



Per mail a las scolas professiunalas, a las soluziuns transitoricas, als manaschis pertutgads, organisaziuns da curs ordaifer ils manaschis, als presidents da las cumissiuns d'examen ed als manaders dals examens el chantun Grischun

Cuiria, 2 da zercladur 2021

Festas da diplom e finiziun 2021: distribuziun dals certificats da notas e dal salid da video

Stimadas dunnas e stimads signurs

En il scriver dals 20 da matg 2021 ha l'Uffizi per la furmaziun professiunala (UFP) communitgà ch'el na sappia betg far ina recumandaziun davart la realisaziun da festas da diplom u finiziun e che l'AFQ resp. l'AFP cun il certificat da notas da la sessiun d'examen 2021 vegnia tramess als manaschis d'emprendissadis sco l'onn vargà.

En il fratemp ha il Cussegl federal decis ulteriuras schluccadas davart il dumber da persunas durant occurrenzas publicas. Sin basa da la situaziun actuala e las infurmaziuns preschentadas davart festas che han lieu cun preschientscha fisica ha l'UFP decis ord quai motiv da far amogna als organisaturs e las organisaturas da festas da diplom e finiziun d'als trametter directamain ils certificats da notas 2021. **Ord motivs organisatorics duain organisaturs ed organisaturas da festas da diploms e finiziun, che vulan surdar ils certificats da notas durant la festa, annunziar quai fin il pli tard ils 11 da zercladur a l'UFP per mail (qv@afb.gr.ch).**

Differentas festas da diplom e finiziun èn planisadas a moda virtuala u en pitschen rudè senza ospes d'ordaifer. Perquai ha l'UFP decis d'organisar quest onn, là nua ch'in salid u in pled festiv manca eventualmain, in degn equivalent. Per quai intent vegn creà actualmain in salid da video da la lunghezza da tschintg fin diesch minutas. Quel mussa differentas politicras e differents politichers grischuns sin stgalim naziunal, chantunal u regional, represchentants da l'economia, ina represchentanta da las scolas professiunalas, ina campiunessa mundiala da mastergns, sco er il manader da l'UFP. Las contribuziuns curtas en las differentas linguas vegnan moderadas d'artists indigens. Ils salids vegnan publitgads en l'emna 25 dal chalender e mess a disposiziun als interessents, p.ex. per las festas da finiziun (www.berufsbildung.gr.ch).

Cun questas duas mesiras sperain nus da pussibilitar ina degna finiziun da la furmaziun.

Jau As engraziel da prender enconuschientscha da questas infurmaziuns e da resguardar las prescripziuns da Covid-19 sco era per Voss grond engaschi en favur da la furmaziun fundamentala professiunala ed As giavisch buna sanadad.

Cordials salids
Uffizi per la furmaziun professiunala

Curdin Tuor